

KOLOSEFՅ

Kukue Ko Paulo Ləwəni Útə KolosefՅ

¹ Mə, Paulo, wə ԵԿԼ lə Onanto eto ketsyue əsuə eso mimfiani Kristo Yesu eto օտոնքքե, boko bo օյimisani Timoteo wə nլե kukue komfo bəwəni. ² Bufi ko bələ bo bayimi ba nkpe lə Kolose ba dıkafo Kristo bəno sitinti butə. Bələ Onanto wə ni bo Anto bəto boə lə ufi wə lefonə ku diyuə utə mi.

Paulo Áso Onanto Ani Lə KolosefՅ Eto Disi.

³ Lefe saa lə bələ ola botoo, boaso Onanto wə ni Bonamute Yesu Kristo eto Anto ani lə mi disı. ⁴ Itsyise bəno kase bəfo Kristo Yesu bəno ku kase biala mi bayimitsyuə bafokanəfo kenke. ⁵ Lefe nə Ditiki SԵԵ tinti nəmə leka mi օflə bubəə, bəno kusubebe ko nkpe lə ni. Yanso mi bofokanə ku lelabi teke lə lesa nə bənle kusu bobə balə bətsyə mi lə Onanto eto kato əsuə. ⁶ Ditiki SԵԵ nəmə lə bobə kakpe nya lenle ebibi bənwə lə kawunsıə kamə kenke, fe kase dıyifo lə mi tsya əsuə seka, idu lefe nə bəno kase Onanto ləənə utidi kafo nya bəno ni kasə tututu. ⁷ Bəno Onanto eto lefonə nəmfə eto etiki ԵԿԼ lə bo uyifotsyuə lala Epafra wə dıyifo Kristo eto keyifo ku օnukualə lə bo kənyə. ⁸ Wə dıbə օtəyi bo lelabi nə Onanto eto Ləwəno nəmə dıfi útə mi.

⁹ Lə nya esoo, idu lə lefe nə bəno mi kəsoo, búkato ola lefe saa lə mi disı kato Onanto boə, ufi wə bote ku lelabi eto nsusu okpe mi lə əsuə,

eye læ kobe kenke ku kasɔnɔnɔ ka Lɛwɔnɔ nɛmɛ lætɛ ɛsuɛ. ¹⁰ Itɛ læ befo nkɛɛ busiɛ fe kase Bonamute ɛmɛ laala nya læ bofo wɛ lelabi buyifo lefe saa. Lɛ mi nkɛɛsiɛsiɛ læ buyi ku kasɛyifoyifo ku Onanto eto bote kakpe. ¹¹⁻¹² Onanto læ ufi wɛ ɛsuɛale kplɛ nnya ntɛkɛ ɛsuɛale saa kato okpe mi læ befo buɔnyɛ læ bulɛ saa eto kɛnyɛ ku dibusɛ. Lɛ bifi disuɛnyuɛ ku leninsɔ bitɛ Boanto Onanto wɛ ditɛ bɔflɔ bofo kedikɔ bunyɛ læ nka ɔlɔ ɔtsyuɛ wɛ betidi læ wɛ sekakedikɔ eto diyɛnde ɛsuɛ. ¹³ Wɛ dɔlɛkɛ bo utsyiko læ ketuntu eto ɛsuɛale ɛsuɛ nya ɔkɛɛ bo oboko wɛ Ubi lala eto sekakedikɔ. ¹⁴ Nwɛ ɛsuɛ eye buɔnyɛ bofo itɛ ɔfi bo abua ɔtsyɛ bo.

Nwɛ Eto Okle Ni Onanto Eto Ubi ɛmɛ Ku Keyifo Ka ɔyifo.

¹⁵ Kristo eto ditsyɛbi ɛɛlɛkɛ Onanto wɛ boɛnyɛ ku ɛnɛmi eto ditsyɛbi kate. ɔkɛ fe bɛyifo asayifoyifo saa kenke. ¹⁶ Itsyise eye læ wɛɛ, nya Onanto dɔyifo asa nnya kenke nkpe kato ku kasɔ, nnya bɛɛnyɛ ku nnya bɛnnyɛ, ɛkɔ læ awɔnɔ eto ɛsuɛale kenke, banamute, baka ku ɛsuɛalefɔ saa tsya eto okle. Onanto ɛyifo kawunsɛi kenke eye læ wɛ itɛ wɛ. ¹⁷ Kristo akɛ fe Onanto dɔyifo lesa saa, nya eye læ lɔniyifoyifo ku wɛɛ, nya lesa saa dɔnyɛ ni kɛnyɛnkɔ pɛpɛpɛ nɛ. ¹⁸ Wɛ ni disi itɛ wɛ ɛsuɛ nnya ni bafokanɔfɔ eto ditsyukɛɛ nɛmɛ. Wɛ ni kaka diɛnyɛ ni nkpe ketsyiko. Onanto eto Ubi ɛmɛ ni ututɛ nya wɛ ni nwɛ lɛtaka utsyiko ɔkɔmɛ ɔbɛ nkɛɛ, bɛ læ udi ututɛ læ asa nnya kenke nti. ¹⁹ Iyifo Onanto eto lalabi nkɛ ditsyɛbi nɛ tutuutu nkpe wɛɛ, læ lɛkɛ wɛ ubi ɛmɛ tsya.

²⁰ Isi iyifo wə lelabi tsya nkə lə uyifo bani ku kawunsia kenke, nnya nkpe lə kaso mfo ku nnya nkpe kato kenke. Ubi əmə eto koto ko okpo kaso eye lə wə ukpə lə uyikabie esuə, ko dina diyua nəmfo leboko nɛ.

²¹ Kə kabia akɛ lə mi ku Onanto eto nti, nya bikisi wə lə mi nsusu kəmia lə abua nnya biyifo eso. ²² Fɛ mɔmɔ, usikli ofo mi kəfo faa, eye lə uyikabie eto ukpə wə Ubi dikpe lə mi disi eso. Eyɛ lə ukpə əmfo əsuə, nya Onanto disinkli olɔ mi utsyə lə wə ənəmi fe mba bəfləsə ntu nya keni nye dikpilolo saa ləmbə lə əsuə, lékpa kənke seka. ²³ Nyaso efe tinti bə befo bunyə bələ mi bəfokanɔ lə kəni kekleke. Bunte kekleke lə bofo bunyə sitinti, nya boembu ləkə bo nsusu butsyiko lə kusubebe ko Ditiki Sɛɛ nəmə dina léboku bo əsuə. Ditiki Sɛɛ nəmfo əsuə bəbe letsya bətə kawunsie eto asayifoyifo kenke, nnya eto uyifoyifo mɔ Paulo dibə ofiani.

Paulo Eyifo Keyifo Fe Bəfokanɔ Eto Ditsyukpa Eto Uyifoyifo.

²⁴ Mɔmɔ, iyifo mɛ disuəyuə bə nle kanyi bunyə lə mi disi eso. Nya kanyi ka minle bunyə lə əsuə eto sinə əsuə mfo, lɛ mɛ bəwunsəko bə lə mfləsə Kristo eto kanyi útə nkə nyə lə bəfokanɔ eto ditsyukpa nə ni wə əsuə eto sinə eto disi.

²⁵ Onanto atsyese mɛ nkə mfiani wə uyifoyifo bə lə mbe wə ditiki nəmə letsya ntə mi ku betidi ba kenke lə banɔ kaso ekpa wuee. ²⁶ Ditiki Sɛɛ nəmfo eyifo lekulasa kɔ, nya ukələkə óte wə betidi. ²⁷ Onanto eto ketsyue keni bə lə uləkə akulasa nyamfo ote wə betidi lə bate, akulasa fo

asi nya diyi ku atese mfo. Nya akulasa nyamfo ni bæ Kristo nkpe læ mi ketu kæmiæ itæ mi tsya nkpe kedikæ læ Onanto eto diyænde æsuæ. ²⁸ Nya Kristo æmfo bænle letsya bobæ kætæ utsyuæ saa nɛ, nya læ kobæ saa æsuæ boalɛ mæ kælɛ kate mæ asa bæ læ bokpa mæ utsyuæ saa busuko Onanto eto ænæmi fe mba diyifo bani ku Kristo ba dækabæ baflo seka. ²⁹ Nyamfo eto otsyekle mimlɛ kakplatsya ku æsuæalɛ nnya kenke Kristo leefi kakpɛ mɛ læ æsuæ nnya nlɛ keyifo læ mɛ nɛ.

2

¹ Nla miæ betɛ lekplatsya næ minlɛ læ mi ku Laodikeafɔ ku betidi ba kenke bo ku mæ dimantsya tɔ ænæmi ku ænæmi bote bætsyuæ eto disi. ² Meeyifo nko bæ læ bænyæ æsuæalɛ læ mæ ketu kæmiæ læ beyifo bani tsya ku mæ bætsyuæ læ lelabi æsuæ. Isi ensoo, itæ kase boofɔ asa kasɔ bɔnɔ kukɔnɔ, bæ bætsyæ lekpo Onanto eto asakulakula æmæ ni Kristo. Nyamfo ni bikesinɔkɛ bia lefo koya tinti. ³ Kristo ni safui sia laasini Onanto eto kobɛ ku kobetɛtɛ eto akulasafɔ koya nyamfo. ⁴ Nyaso nlɛ mi bɔtɛyi minkɛ biæntæ læ kuutsyuæ saa læ ɔwɛ mi okpɛ ku etiki eto kænæ bimba niæ niæ niæ etɛ fe ɔnukualɛ kpɛ læ nnya tsya. ⁵ Itsyisɛ itɛ bæ bænle mɛ bunyæ læ æsuæ eto sinæ æsuæ tsyaa, nkpe læ mi nti læ læwɔnɔ æsuæ, nya iyifo mɛ disuænyuæ læ kase bæko binyæ kekɛkɛ læ mi Kristo bofokanɔ æsuæ eso.

Utidi Eto Nkpesiasia Bo Lɛflɔɔ, Kpɛ Læ Kristo Kæmiæ.

⁶ Kase befo Kristo Yesu ku mi lækɔɛsi kenke fe mi Onamutee, biyifo bani ku wæ nko. ⁷ Bitæ læ

keyudu læ kǎnyǎ kedufǎkǎ katsyo læ wǎ, fe kuyi eto keyudu leedufe læ kasǎ. Beto mi nkpǎ bitǎkǎ læ wǎ mi bofokanǎ læ bumuǎ ale fe kase báte mi. Lǎ biyi ku leninsǎ itǎ Onanto lefe saa.

⁸ Nyaso bebe biǎ kuutsyuǎ saa manwǎ mi uyifo mi ndomufǎ eyǎ læ betidinini eto kobetete bimba ko nyǎ læ akpa nya báyani bǎtsyǎ betidi ku kawunsiǎ eto awǎnǎ eto ǎsuǎale eto kate ka lanyǎ læ Kristo eto asatete eto esu ǎsuǎ. ⁹ Itsyise Onantotidi eto ditsyǎbi kenke nǎ læflo akǎ læ Kristo eto ǎsuǎale eto sinǎ ǎsuǎ læ wǎ utidididi eto ditsyuǎbi nǎmǎ ǎsuǎ. ¹⁰ Nya se buyifo bani ku wǎ, wǎǎ ni disi itǎ awǎnǎ eto ǎsuǎale saa ku awǎnǎ eto baka saa, ete bǎ bo nkpǎ tsya aflǎ læ kusu saa ǎsuǎ.

¹¹ Se buyifo bani ku Kristo eso biyifo fe mba bála lelo, inni læ kase kawunsiǎ eto betidi leeyifo, bomuu eyǎ læ Kristo ǎsuǎǎ, Onanto ǎlǎkǎ mi ǎbǎnko læ ǎsuǎ eto sinǎ eto abuayifoyifo eto ǎsuǎale eto kalǎ. Nyamfo ni lelo nǎ bála mi eyǎ læ Kristo ǎsuǎ nǎ. ¹² Itsyise lefe nǎ bǎflǎsǎ mi ntuu, bǎbikǎ mi ku Kristo, nya eyǎ læ nnya ǎsuǎǎ, bǎtakasǎ mi bǎnyǎnsǎ ku Kristo læ mi bofokanǎ eso, læ Onanto eto ǎsuǎale nyamǎ ǎsuǎ, wǎ nwǎ ni létakasǎ wǎ utsyiko ǎkǎmǎ ǎboko nkpǎ.

¹³ Lefe ditsyuǎ nǎ léfee, bíkpe læ læwǎnǎ ǎsuǎ læ mi abua nnya bíyifo eso, itsyise biedi Yudafo ba dímanke læ kǎfi kalǎ. Fe mǎmǎǎ, Onanto ébokpa mi ǎboko nkpǎ kǎmiǎ ku Kristo. Onanto éfi mi abua kenke ǎtsyǎ mi. ¹⁴ Ótsya ǎfi læ kayo ka búsiǎ ku nnya afi nnya kenke lékle bo úlǎkǎ bo læ nnya ǎsuǎ kenke ǎsǎ læ uyikabie ǎsuǎ ku Kristo. ¹⁵ Nya læ uyikabie komfo ǎsuǎǎ, Kristo

ələkə wə əsuə óbɔnko lə awɔnɔ eto əsuəale ku baka saa eto kalɔ nya ótsyilamako mə ókpe mə kofani nya úləkə mə óte fe ndomufɔ ba óso ani utəkə mə kato.

¹⁶ Nyaso biətə lə kuutsyuə saa lə okpe mi afi lə lesa nə biudi nye biunə lee biembudi nye buinə əsuə, nye nnya ni eyi sɛɛ lee, lə kofa fɔfɔ abe lee nye Ɔnwɛditsyayi əsuə. ¹⁷ Nyamfo kenke eyifo nnya nkpe kama ɛnlɛ bubə eto koyo ete! Nnya eto koyo bɛnlɛ bunyə ni Kristo kosate. ¹⁸ Biəntə lə ənəmi ənəmi eto utidi kuutsyuə wə laateyi nkə utətə kato itsyise wəənyə ənətəkətəkə eto kələkəkate, ba laayinkə betidi kakpe lə kawɛ eto əsuə bokosəbokosə kasɔ ku kato eto batɔnkpe eto bɔsumu əsuə lə balo mi dikpi. Asa bimba ku utidi eto nsusu ləkələkə ete ini. Lə bitəkəko utidi əmfo eto okle eto kamaa, biemunyə asa nnya eto kama bɛnlɛ bɔti. ¹⁹ Nwəmfo eto okle mɛnsikɔ uyifo lɔni lə Kristo, wə nwə ni disi utə utidi əmə. Wə əsuə utidi əmə eto əsuə eto nlokɔ ku wə əmə eto umu kenke tsya nkpəsə, wə ɔfɔ wəənyə lesa sɛɛ saa, nya woabe fe kase Onanto laala.

Nkpefɔfɔ Siasia Eyɛ Lə Kristo Ɔsuə.

²⁰ Se bíkpə ku Kristo esoo, bebɔ lə kawunsia eto awɔnɔ eto əsuəale kalɔ. Beso binsi biətə baakpe mi afi fe bisi bekpe lə kawunsia kamə kalɔ seka? ²¹ Beso biesikeyifo lə nnya əsuə lə baateyi mi bənkə bienyifo nyamfo eto keyifo ku biandia nəmə bebe nye bientidi nə nse? ²² Asa nnya eto afi bákpe mi mfo eyifo asa nnya lə beyifo nnya keyifo balosə koo, iyifo ebimbasa nnya lensibe kutəkə saa. Afi nyamfo kenke eyifo betidi eto ketsyue ku asatete ete. ²³ Ele fe asa

nnya báteyi mi mfo te fe kobe kutsyuə kpe lə nnya nya iyifo fe bələkə nnya betsyiko lə Onanto eto ketsyue ka útsyue utsyə əsuə. Yəətə bə utidi bokosə əsuə kasɔ, utə wə əsuə eto sine nyə kanyi nnya luutə ola Onanto oso ku ofo əsuə bumuə kalɛ. Fɛɛ asa nyamfo eto okle buyifo anwunsəko kuutsyuə bə lə oso wə əsuə eto sinə eto alasa ani.

3

¹ Se ini botakasə Onanto létakase mi ku Kristo utsyiko ɔkɔmə óboko nkpə esoo, beti asa nnya nkpe kato kama kaka Kristo kosate nsi lə wə lekankpome əsuə lə Onanto eto kodianɪ. ² Bitə mi nsusu lə butəkə lə asa nnya nkpe kato mfó əsuə, inni lə asa nnya nkpe lə kasɔ mfo. ³ Itsyise se bíkpee, mi nkpə efi bokpe lə Kristo eto nle əsuə bo ləbiɔ bonkpe lə Onanto əsuə tsya. ⁴ Mi nkpə kosate eyifo nkpə lə Kristo əsuə. Nya lefe nə wɔɔbɔ bənyəə, mi tsya ebɔbɔ ku wə nya buinyə kedikɔ lə wə sekakedikɔ eto diyənde əsuə.

Befiani Betidi Fɔfɔ.

⁵ Nyaso belo kasɔ mfo eto asa eto nkpə bo nkpe lə mi əsuə fenkə asɔnɔdidi, asinasayifoyifo, əsuə eto sinə eto kamininyənyə, kənənsɛ lə kawunsɪə eto bikə bɔkɛ əsuə sia diyifo ufiəsumusumu.

⁶ Asa nyamfo eto okle əənə Onanto eto ləblɔfi kaboko mba ditidi ato lentsyue wə koto əsuə.

⁷ Lə nkpə bo hísiə kɔ əsuəə, mi tsya éyifo asa nyamfo eto kakle.

⁸ Fɛɛ mɔmɔɔ, ele bə bɛyɛ asa nyamfo kenke eto kakle buyifo nnya ni ɔblɔnyənyə, lefonyi, kabua bɔbɛbɛ kətə fə utsyuə, aka ku etikibua

saa didi. ⁹ Se bɪkələkə mi ditsyabi koko nəmə ku ni eyifosa lə mi əsuə esoo, biesiteyi bətsyuə bidia bio. ¹⁰ Bifi békpe lə ditsyabi fɔfɔ nəmə əsuə mómɔ. Nya ditsyabi fɔfɔ nəmfo ni wə Onanto kosate eto ditsyabi nə ɔnlɛ bufi kakpe lə mi lefe saa, lə bɛbɛ bisu sɛtɔ bə lə bibə bete wə bɛwunsə.

¹¹ Lə nyamfo esoo, kaba kəfə saa ensibə lə mba lenni Yudafɔ ku mba ni Yudafɔ, mba bála alo ku mba bánla alo, bafɔ ku mba dimankpa əsuə, ndomufɔ ku mba nsi lə mə əsuə əsuə nti. Məmble kenke eyifo bani lə Kristo əsuə, nya Kristo nkpe lə məmble kəmiə.

¹² Mimble eyifo Onanto eto betidi, nya óla mimble nya úləkə mimble uyifo wə kosate eto bale. Lə nyoosoo, bifi ditsyabi nə dińyə ditə nkomə seka bɛyenko əsuə. Nya ni kaminsənyənyə, kəfoɛkrɛ, əsuə kasɔ bokosəbokosə, diyuəsə ku disuətsyuə.

¹³ Bitsyəsua ku mi bətsyuə, lə bifi bətsyɛ bətsyuə lə utsyuə áta wə utsyuə ubu. Ele bə bifi bətsyɛ bətsyuə fe kase Bonamute difi ɔtsyɛ mi. ¹⁴ Ɖwunsə lə nyamfo kenke əsuəə, bifi lelabi bitə bətsyuə, itsyise ni laako lesa saa kalɛ lə bətsyuə keyifo mə bani nɛ.

¹⁵ Kristo eto diyuə nə wəətə, lə didi seka lə mi ketu əsuə, itsyise nyamfo eso Onanto lékpadi mi ɔkɔ biyifo bani nɛ. Lɛ nnya əsuəə, bɛsɔ Onanto ani. ¹⁶ Bitə lə Kristo eto Ditiki Sɛɛ nəmə, nə lefo koya tinti lə diyi mi ketu kəmiə. Bete bətsyuə asa, bɛlɛ bətsyuə kɔlɛ lə kobe əsuə. Bifi Awɔnisa Kenke eto əsə ku bafokanɔfɔ eto əsə ku lɛwɔnɔ eto əsə bitə lɛninsɔ Onanto lə mi ketu kəmiə.

¹⁷ Nyaso bitə lesa saa nə biɔteyi nye buiyifoo, lə

εγὲ λά Bonamute Yesu əsuə, le bifi leninsɔ bitə Boanto Onanto εγὲ λά wə diye əsuə.

Bisiə Nkpə Fɔfɔ Fe Mba Ni Kristo Eto Bale Seka.

¹⁸ Mi besensia, bebokesə əsuə kasɔ bitə mi bese, itsyise nko diɲyə itə bə biyifo fe Kristo eto bafokanɔfɔ nɛ.

¹⁹ Nko ke, mi bəsiəfi tsyaa, bifi lelabi bitə mi bəsiə. Nya bienyifo mə disiale.

²⁰ Mi bebi, bitsyue anto ku ambe mə koto λά lesa saa əsuə, itsyise nyamfo laake Onanto ɔkue nɛ.

²¹ Mi bebiantomə, biankpe mi bebi leblɔfi bə λά ani λά nyanlo mə.

²² Mi ndomufɔ, bitsyuə mi banamutemə koto λά lesa saa əsuə, inni λά lefe nə mə ənəmi ntəkə λά mi əsuə ete, bə λά batəsə mi λά keyifo əsuə eso, bomuu, biyifo ke ku mi ketu kenke λά dibu biətə Bonamute eso. ²³ Nya keyifo saa biuyifoo, biyifo ke ku kafo faa fe Bonamute bənle ke buyifo kətə inni utidinini saa. ²⁴ Bekloma biə Bonamute ebofo mi kayo fe kayofofɔ ka ɔle utsyə utə wə betidi. Itsyise Kristo ni Onamute wə bənle busumu. ²⁵ Nya utsyuə saa wə luuyifo kabuaa, ebunyə kayofofɔ itə kabua ka weeyifo. Itsyise Onanto aakponko utsyuə saa lekpo λά kusu tsyɔntsyɔ əsuə.

4

¹ Mba ni banamute, bɛle mi ndomufɔ ba leeyifo mi nyifo ola λά kusu sɛɛ ko diɲyə itə əsuə. Bekloma biə mi tsya kpe Onamute wə nkpe kato.

Kɔlelele Ku Kate Eto Asa.

² Bianye ola boto kətə Onanto lefe saa. Bitəkə ənə lə bələ ola boto lə bifi ləninsə bikətə Onanto. ³ Beto ola lə bo tsya eto disi, bə lə Onanto lə əsini bo kusu lə bofo Kristo eto ditiki nə diyifo lekulasa kə, nə eso minlabe lə aba eto diyoo, letsya bobə kələ ni kate. ⁴ Beto ola bə lə mfo lekulasa nəmfo buləkə kate lə lekpa wuee fe kase ele bə nyifo.

⁵ Beye ku mamfokanəfə lə kobə əsuə, lə biyifo kusu saa ko ləəsini kutə mi eto keyifo fe kase efe itə. ⁶ Bidi etiki ku dibu, bə lə lələkə bəno ku koto lefe saa, lə bete kase buitə etiki eto mbuaye sɛɛ itə utsyuə saa.

Bələ Mi Bokla.

⁷ Bo əyimisani Tasiko lala, wə nwə leeyifo asa lə kusu sɛɛ əsuə ku uyifoyifotsyuə lə Bonamute eto keyifo əsuə, eebətəyi mi lesa saa nə nlə mə bubə lə əsuə mfo. ⁸ Nyamfo eso minlə wə botsyese mi əflə bə lə ətəyi mi bo mfo eto etiki saa nya lə okpe mi otsyekle tsya. ⁹ Onesimo wə ni bo əyimi lala wə bəfobəno nwə ni mi nti eto ənii, tsya akə ku wə balə bubə. Bəətəyi mi lesa saa nə nlə bubə mfo eto etiki.

¹⁰ Aristarko nwə boko wə nlabə lə diyo mfo ku Marko wə ni Barnaba eto əyimisani bə bəəsiəsə mi o-o! Bəotə mi bote koko bə lə Marko əmfo əbə mi əflə, bisensə ani befo wə kafo faa. ¹¹ Yosua wə bensi bakpo Yusto tsya əəsiəsə mi. Mə itsyə bamfo hā ni Yudafo eto bafokanəfə ba nlə keyifo ku mə itə Onanto eto sekakedikə kamə nɛ. Beyifo bawunsəkotsyuə tinti bətə mə.

¹² Epafra wə ni mi nti eto əni wə ni Kristo eto uyifoyifo tsya nkə wəəsiəsə mi o-o. Woato ola kekleke lefe saa lə mi disi katə Onanto nkə lə

binyə keklege, lə beflo lə kototsyuentisyue Onanto eto ditiki nəmə. ¹³ Moofə wə kenye budi lə keyifo keklege ka weeyifo kətə mi ku betidi ba nkpe lə Laodikea ku Hierapoli. ¹⁴ Bo oyimitsyuə lala ofala kplə Luka ku Dema bə bəəsiəsə mi o-o. ¹⁵ Boəsiəsə bayimi ba nkpe lə Laodikea ku Bəyimisio Nimfa ku bafokanəfə eto ditsyukpa nə laakpe disi lə wə diyo o-o.

¹⁶ Lə bekla kukue komfo belosəə, bifi ko betsyese bafokanəfə eto ditsyukpa nə nkpe lə Laodikea lə mə tsya lə bakla. Nko kee, mi tsya lə bekla kukue ko mīwəni mīntə Laodikea eto bafokanəfə eto ditsyukpa tsya.

¹⁷ Nya lə beteyi Arkipo biə lə okpe otsyese lə olosə Bonamute eto keyifo ka úfi ókpe wə lə ani mfó.

¹⁸ Mə, Paulo, kosate dífi mə kəni minlə kəsiə kamfo bəwəni katsyese mi. Nya bianta əsuə biə nsi nlabe lə aba eto diyo. Nlə Onanto bətə miə utə lə wə lefonə lə disiəko mi.

**Onanto eto kakle fɔfɔ; Sɛkpɛle
Sekpele: Onanto eto kakle fɔfɔ; Sɛkpɛle New
Testament**

copyright © 2008 Wycliffe Bible Translators, Inc.

Language: (Sekpele)

Contributor: Wycliffe Bible Translators, Inc.

All rights reserved.

2020-11-30

PDF generated using Haiola and XeLaTeX on 21 Feb 2024 from source
files dated 29 Jan 2022

5fc03d2a-3cf8-5607-a6e0-9e1e197140bd